



Broj: 08-07-1-139/08  
Sarajevo, 04.05.2016. godine

Ministarstvo pravde Bosne i Hercegovine, rješavajući Zahtjev Ragbi saveza Bosne i Hercegovine, sa sjedištem u Zenici, ulica Bulevar Kralja Tvrtka I broj 5, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08 i 76/11) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», br. 44/10 i 14/12), donosi

### **RJEŠENJE**

1. U Registru udruženja Ministarstva pravde Bosne i Hercegovine, kod Ragbi saveza Bosne i Hercegovine, sa sjedištem u Zenici, ulica Bulevar Kralja Tvrtka I broj 5, upisanog pod registarskim brojem: 777, Knjiga I Registra, dana 02.02.2009. godine, upisuju se promjene, kako slijedi:
  - Izmjene i dopune Statuta Saveza Broj: 2/08 od 25.08.2008. godine.
  - Osobe ovlaštene za zastupanje Saveza u pravnom prometu su:  
Semir Mahić, predsjednik Upravnog odbora Saveza,  
Sead Krupalija, dopredsjednik Upravnog odbora Saveza, i  
Damir Kukić, dopredsjednik Upravnog odbora Saveza.
  - Razrješenje i imenovanje članova Upravnog odbora Saveza.
  - Razrješenje i imenovanje članova Nadzornog odbora Saveza.
  - Razrješenje i imenovanje generalnog sekretara Saveza.
  - Razrješenje i imenovanje predsjednika Skupštine Saveza.
2. Ostali upisi u Registru udruženja, izvršeni na osnovu Rješenja Broj: 08-07-1-139/08 od 02.02.2009. godine, ostaju neizmijenjeni.
3. Ovo Rješenje će se objaviti u „Službenom glasniku BiH“, o trošku podnosioca Zahtjeva.

### **Obrazloženje**

Ragbi savez Bosne i Hercegovine, sa sjedištem u Zenici, ulica Bulevar Kralja Tvrtka I broj 5, upisan je u Registar udruženja kod Ministarstva pravde Bosne i Hercegovine, pod registarskim brojem: 777, Knjiga I Registra, dana 02.02.2009. godine.

Savez je dana 29.03.2016. godine podnio Zahtjev za upis promjena u Registru udruženja ovog Ministarstva.

U toku postupka, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti promjene upisa u Registru. Ministarstvo je podneskom Broj: 08-07-1-139/08 od 06.04.2016. godine, zatražilo ispravku i dopunu zahtjeva.

Nakon otklanjanja nedostataka Savez je uz Zahtjev za upis promjena u Registru udruženja dostavio sljedeću dokumentaciju: Zapisnik sa 26. redovne izvještajno-izborne Skupštine Ragbi saveza Bosne i Hercegovine od 05.03.2016. godine; Odluku o izmjenama i


dopunama Statuta Ragbi saveza Bosne i Hercegovine Broj: O-9/3-05.03.16 od 05.03.2016. godine u dva primjerka; Odluku o razrješenju i imenovanju predsjednika Skupštine Ragbi saveza Bosne i Hercegovine Broj: O-9/2-05.03.16 od 05.03.2016. godine; Odluku o razrješenju i imenovanju članova Upravnog odbora Saveza Broj: O-10/4-05.03.16 od 05.03.2016. godine; Odluku o razrješenju i imenovanju članova Nadzornog odbora Ragbi saveza Bosne i Hercegovine Broj: O-10/5-05.03.16 od 05.03.2016. godine; Odluku o razrješenju i imenovanju generalnog sekretara Ragbi saveza Bosne i Hercegovine Broj: O-10/6-05.03.16 od 05.03.2016. godine; Odluku o razrješenju i imenovanju osoba ovlaštenih za zastupanje Saveza Broj: O-11/7-05.03.16 od 05.03.2016. godine; ovjerene fotokopije ličnih karata članova Upravnog odbora Saveza i lica ovlaštenih za zastupanje Saveza; ovjerene potpise lica ovlaštenih za zastupanje Saveza i dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja kod Ragbi saveza Bosne i Hercegovine, te je riješeno kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis promjena u Registru udruženja, u skladu sa članom 33. stav (2) tačka b) navedenog Pravilnika.

**Pouka o pravnom lijeku:**

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



**Dostavljeno:**

- Ragbi savez Bosne i Hercegovine;  
Ulica Bulevar Kralja Tvrtka I broj 5, 72 000 Zenica;  
i ovjeren primjerak Odluke o izmjenama i dopunama Statuta Broj: O-9/3-05.03.16 od 05.03.2016. godine
- Zbirka isprava;
- JP NIO "Službeni list BiH".